

## VI.

Tuzlanski kanton se obavezuje da će u svrhu naplate svih potraživanja po ovom kreditu, kao sredstvo osiguranja Razvojnoj banci dostaviti bjanko mjenice, kojim Tuzlanski kanton ovlašćuje Razvojnu banku da primljene bjanko mjenice može koristiti za naplatu dospjelog potraživanja.

## VII.

U periodu dospijea obaveza po kreditu potrebno je osigurati sredstva iz budžeta Tuzlanskog kantona za izmirenje dospjelih obaveza i ista planirati u budžetu za cijelo vrijeme otplate kredita.

## VIII.

Za potpisivanje svih ugovora na osnovu ove odluke ovlašćuje se ministar finansija Tuzlanskog kantona.

Za potpisivanje mjenica kao sredstva osiguranja kredita Razvojnoj banci ovlašteni su premijer Tuzlanskog kantona i ministar finansija Tuzlanskog kantona.

## IX.

Za realizaciju ove odluke i izvještavanje zadužuju se Ministarstvo finansija Tuzlanskog kantona i resorna ministarstva po projektima finansiranja.

Ova odluka će se dostaviti Razvojnoj banci.

## X.

Ova odluka stupa na snagu danom donošenja, a objavit će se u „Službenim novinama Tuzlanskog kantona“.

BOSNA I HERCEGOVINA  
-Federacija Bosne i Hercegovine-  
TUZLANSKI KANTON  
SKUPŠTINA

Broj: 01-02-540-5/23  
Tuzla, 30.10.2023. godine

PREDSJEDNIK  
SKUPŠTINE TUZLANSKOG  
KANTONA

Žarko Vujović, v.r.

## 984

Na osnovu člana 24. stav 1. tačka n) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), na prijedlog Komisije za izbor i imenovanja Skupštine Tuzlanskog kantona, Skupština Tuzlanskog kantona, na sjednici održanoj 30.10.2023. godine, donosi

## ODLUKU

o izmjenama Odluke o izboru i imenovanju članova u stalna i povremena radna tijela Skupštine Tuzlanskog kantona

## I.

U Odluci o izboru i imenovanju članova u stalna i povremena radna tijela Skupštine Tuzlanskog kantona („Službene novine Tuzlanskog kantona“, br. 3/23, 4/23, 5/23 i 9/23), vrše se sljedeće izmjene:

- U Zakonodavno-pravnu komisiju Skupštine Tuzlanskog kantona umjesto člana Nahida Mehića imenuje se član Edin Čejvanović;

- U Komisiju za privredu, ekonomsku i finansijsku politiku Skupštine Tuzlanskog kantona umjesto člana Amira Hasičevića imenuje se član Amra Nadarević Vodenčarević;

- U Komisiju za zaštitu značajnih datuma i ličnosti za

područja Tuzlanskog kantona i Bosne i Hercegovine iz perioda 1992.-1995. Skupštine Tuzlanskog kantona umjesto člana Amira Hasičevića imenuje se član Amra Nadarević Vodenčarević.

## II.

Ova odluka stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA  
-Federacija Bosne i Hercegovine-  
TUZLANSKI KANTON  
SKUPŠTINA

Broj: 01-02-91-21/23  
Tuzla, 30.10.2023. godine

PREDSJEDNIK  
SKUPŠTINE TUZLANSKOG  
KANTONA

Žarko Vujović, v.r.

## 985

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04) i člana 6. stav (3) Zakona o dopunskim pravima branilaca i članova njihovih porodica - drugi prečišćeni tekst („Službene novine Tuzlanskog kantona“, br. 10/20, 14/22 i 9/23), na prijedlog Vlade Tuzlanskog kantona, Skupština Tuzlanskog kantona, na sjednici održanoj 30.10.2023. godine, donosi

## ODLUKU

o izmjenama i dopunama Odluke o proširenom obimu prava iz oblasti zdravstvene zaštite branilaca i članova njihovih porodica

## Član 1.

U Odluci o proširenom obimu prava iz oblasti zdravstvene zaštite branilaca i članova njihovih porodica („Službene novine Tuzlanskog kantona“, broj: 11/20), u članu 2. iza teksta „10/20“ dodaje se tekst „14/22 i 9/23“.

## Član 2.

U članu 4. u stavu (2) iza teksta „4/10“ dodaje se tekst „i 21/22“.

## Član 3.

Jedinstvena lista ortotsko-protetskih i drugih pomagala, endoproteza, stomatološko-protetskih i ortodontskih pomagala i sanitarnih sprava na koja ratni vojni invalid ima pravo u medicinski indiciranom slučaju (Lista 1.), mijenja se i glasi:

Redni broj	Naziv ortotsko-protetskog i drugog pomagala	Rok korištenja u mjesecima
1.	<b>Proteze za gornje ekstremitete</b>	
	a) šaka	48
	b) podlaktatna	48
	c) dezartikulacija lakta	48
	d) nadlaktatna	48
	e) exartikulacija ramenog zgloba	48
	f) estetska rukavica	6
2.	<b>Proteze za donje ekstremitete</b>	
	a) djelimična amputacija stopala	36
	b) proteza stopala	36
	c) potkoljena	36
	d) dezartikulacija koljenog zgloba	36
	e) natkoljena	36
	f) exartikulacija zgloba kuka	36
	g) kožna parcijalna proteza (jednostrana ili obostrana sa odgovarajućom cipelom)	12
3.	<b>Standardne cipele uz protezu</b>	12
4.	<b>Navlake</b>	
	a) navlaka za bataljak (36 komada)	12
	b) silikonska navlaka (1 komad)	6
5.	<b>Aparati za gornje ekstremitete</b>	
	a) ortoza za šaku sa mehaničkom funkcijom	48
	b) radialis aparat od plastične mase	48
	c) dvodijelna ortoza za ruku sa mehanizmom fleksije i ekstenzije	48
	d) lakatna ortoza sa zglobom	48
6.	<b>Aparati za donje ekstremitete</b>	
	a) ortoza za potkoljenu i stopalo plastična jednodijelna (Peroneus aparat)	24
	b) ortoza za potkoljenu i stopalo dvodijelna sa zglobom - plastična	24
	c) Peroneus aparat - dvodijelni sa šinama u spoju sa obućom	24
	d) ortoza za potkoljenu i stopalo - elastična	48
	e) ortoza za potkoljenu i stopalo sa metalnim šinama	48
	f) ortoza za koljeno plastična sa zglobom	48
	g) ortoza za koljeno elastična	48
	h) ortoza za koljeno u spoju sa cipelom (korektivna)	48
	i) ortoza za koljeno sa metalnim zglobom	
	j) ortoza za natkoljenu i koljeno u spoju sa cipelom (Hessingov aparat)	48
7.	<b>Ortopedske cipele</b>	
	a) po gipsanom modelu (jednostrano ili obostrano)	12
	b) sa povišenjem	12
	c) po gipsanom modelu (jednostrano ili obostrano sa povišenjem)	12
8.	<b>Ortopedski ulošci</b>	6
9.	<b>Invalidska kolica na mehanički pogon</b>	48
10.	<b>Aktivna kolica po mjeri za korisnike sa paraplegijom</b>	48
	a) gume vanjske (velike i male) par	12
	b) gume unutrašnje (velike i male) par	12
	c) kočnice sa originalnim šarafima	12
	d) felge bez obruča	24

11.	<b>Ortoze (mider i korzeti)</b>	
	a) ortoza za vratnu kičmu	36
	b) mider platneni sa metalnim ili plastičnim pojačanjem	36
	c) ortoza za trup za deformaciju ili rasterećenje kičme (plastična ili kožna sa metalnim kosturom)	36
	d) ortoza za grudnu kičmu	36
	e) trouporična ortoza - ortoze za grudnu kičmu	36
12.	<b>Štaka sa 10 pari guma</b>	
	a) podlaktne - metalne	36
	b) podpazušne - aluminijske	36
13.	<b>Štap sa 3 gume</b>	36
14.	<b>Očne proteze (staklene ili plastične)</b>	36
15.	<b>Naočale sa tamnim staklima za slijepa lica</b>	trajno
16.	<b>Štap za slijepa lica</b>	12
17.	<b>Stakla</b>	
	a) korekciona stakla	30
	b) fotoosjetljiva stakla	30
18.	<b>Standardni celuloidni armirani okviri za naočale</b>	30
19.	<b>Kontaktne sočiva</b>	60
20.	<b>Aparat za pojačanje sluha</b>	48
21.	<b>Aparat za omogućavanje glasnog govora</b>	
	a) elektrolarings	trajno
	b) govorna proteza	12
22.	<b>Aparat za omogućavanje glasnog govora za lica iz člana 22. stav (2) Odluke - elektrolarings</b>	60
23.	<b>Endoproteze</b>	
	a) totalne proteze za kuk, koljeno, rame ili lakat	trajno
	b) vaskularna proteza za krvne sudove	trajno
	c) intraokularno sočivo	trajno
	d) implementacioni materijal - healon	trajno
	e) Pudens sistem	trajno
	f) implantati za kičmu	trajno
24.	<b>Endotrahealna kanila (4 komada)</b>	24
25.	<b>Kese za urin sa podlogom do 10 komada</b>	mjesečno
26.	<b>Urin kese uz nogu a 750 ml (10 komada)</b>	mjesečno
27.	<b>Kese za žuč ili izmet sa podlogom - koloplast (30 komada)</b>	mjesečno
28.	<b>Stalni Foley kateter (3 komada)</b>	mjesečno
29.	<b>Trake za mjerenje šećera u krvi za RVI (30 komada)</b>	mjesečno
30.	<b>Aparat za određivanje nivoa šećera u krvi za RVI</b>	trajno
31.	<b>Brajev ručni sat ili zvučni digitalni sat neophodan za vremensku orijentaciju</b>	60
32.	<b>Digitalni snimači reproduktor za slušanje knjiga iz biblioteke za slijepe</b>	60
33.	<b>Zvučni toplomjer</b>	60
34.	<b>Zvučni mjerač krvnog pritiska</b>	60
35.	<b>Računar sa odgovarajućim govornim programom</b>	60
36.	<b>Stomatološko-protetska i ortodonska pomagala</b>	
	a) parcijalne zubne proteze	60
	b) totalne zubne proteze	60
	c) pokretni aparat za jednu vilicu	trajno
	d) pokretni aparat za obje vilice u bloku	trajno
	e) fiksni ortodonski aparat	trajno
37.	<b>Silikonski lajner</b>	12
38.	<b>Bravica</b>	18
39.	<b>Padobran</b>	4
40.	<b>Reviziona endoproteza</b>	120

**Član 4.**

U Jedinstvenoj listi pomagala i sanitarnih sprava na koje ima pravo ratni vojni invalid-lice sa paraplegijom, ratni vojni invalid sa utvrđenim procentom invaliditeta u visini 100% II grupe, 90% III grupe i 80% IV grupe vojnog invaliditeta, a kojem je prema federalnom zakonu, utvrđeno pravo na njegu i pomoć drugog lica (Lista 2.), iza tačke 31. dodaje se nova tačka 32., koja glasi:

32.	Toaletna invalidska kolica na mehanički pogon	1	4 godine
-----	---	---	----------

**Član 5.**

Ova odluka stupa na snagu narednog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA  
-Federacija Bosne i Hercegovine-  
TUZLANSKI KANTON  
SKUPŠTINA

PREDSJEDNIK  
SKUPŠTINE TUZLANSKOG  
KANTONA

Broj: 01-02-466-5/23  
Tuzla, 30.10.2023. godine

Žarko Vujović, v.r.

**986**

Na osnovu člana 24. stav 1. tačka n) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04), a u vezi sa članom 16. stav (1) i članom 21. stav (2) Zakona o srednjem obrazovanju i odgoju - prečišćeni tekst („Službene novine Tuzlanskog kantona“, br. 10/20, 11/20, 8/21, 11/21, 22/21, 5/22, 10/22, 11/22, 9/23 i 12/23), na prijedlog Vlade Tuzlanskog kantona, Skupština Tuzlanskog kantona, na sjednici održanoj 30.10.2023. godine, donosi

**ODLUKU**

**o usvajanju Elaborata o opravdanosti pripajanja Javne ustanove Mješovita srednja rudarska škola Tuzla Javnoj ustanovi Mješovita srednja građevinsko-geodetska škola Tuzla**

**I.**

Usvaja se Elaborat o opravdanosti pripajanja Javne ustanove Mješovita srednja rudarska škola Tuzla javnoj ustanovi Mješovita srednja građevinsko-geodetska škola Tuzla.

**II.**

Zadužuje se Ministarstvo obrazovanja i nauke Tuzlanskog kantona da u roku od 30 dana pripremi prijedlog Odluke o pripajanju Javne ustanove Mješovita srednja rudarska škola Tuzla javnoj ustanovi Mješovita srednja građevinsko-geodetska škola Tuzla i putem Vlade Tuzlanskog kantona dostavi Skupštini Tuzlanskog kantona na razmatranje.

**III.**

Odluka stupa na snagu danom donošenja i bit će objavljena u „Službenim novinama Tuzlanskog kantona“.

BOSNA I HERCEGOVINA  
-Federacija Bosne i Hercegovine-  
TUZLANSKI KANTON  
SKUPŠTINA

PREDSJEDNIK  
SKUPŠTINE TUZLANSKOG  
KANTONA

Broj: 01-02-467-4/23  
Tuzla, 30.10.2023. godine

Žarko Vujović, v.r.

**987**

Na osnovu člana 24. stav 1. tačka n) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 19/99, 10/00, 14/02, 6/04 i 10/04) i člana 112. Poslovnika Skupštine Tuzlanskog kantona („Službene novine Tuzlanskog kantona“, br. 13/19 i 5/20), na prijedlog Kolegija Skupštine Tuzlanskog kantona, Skupština Tuzlanskog kantona, na sjednici održanoj 30.10.2023. godine, donosi

**DEKLARACIJU**

**o dešavanjima u Palestini**

1. Skupština Tuzlanskog kantona zahtijeva trenutno, trajno i održivo humanitarno primirje u Gazi i ostalim dijelovima Palestine.
2. Skupština Tuzlanskog kantona zahtijeva od svih strana da se pridržavaju međunarodnog humanitarnog prava.
3. Skupština Tuzlanskog kantona zahtijeva stalno, dostatno i nesmetano pružanje osnovnih životnih zaliha i usluga stanovništvu Palestine.
4. Skupština Tuzlanskog kantona osuđuje sva djela nasilja protiv palestinskih i izraelskih civila, uključujući sva djela terora i neselektivnih napada, kao i sva djela provokacije, poticanja i razaranja.
5. Skupština Tuzlanskog kantona poziva na trenutno i bezuslovno oslobađanje svih zarobljenih civila, obezbjeđenje njihove sigurnosti, dobrobiti i humanog postupanja u skladu s međunarodnim pravom.
6. Skupština Tuzlanskog kantona ovom deklaracijom šalje poruke o neophodnosti prestanka rata i vraćanja na ranije započete pregovore.
7. Ova deklaracija odražava moralne i humanitarne vrijednosti Skupštine Tuzlanskog kantona i poziva na rješavanje sukoba na Bliskom Istoku mirnim putem i poštivanjem međunarodnih normi i prava čovjeka.
8. Ova deklaracija je nastavak usvojene Rezolucije u Ujedinjenim nacijama, 27.10.2023. godine
9. Ova deklaracija će biti objavljena u „Službenim novinama Tuzlanskog kantona“.

BOSNA I HERCEGOVINA  
-Federacija Bosne i Hercegovine-  
TUZLANSKI KANTON  
SKUPŠTINA

PREDSJEDNIK  
SKUPŠTINE TUZLANSKOG  
KANTONA

Broj: 01-02-548-2/23  
Tuzla, 30.10.2023. godine

Žarko Vujović, v.r.



„Službene novine Tuzlanskog kantona”  
broj: 17/2023

## SADRŽAJ

## SKUPŠTINA

976. Izmjene i dopune Budžeta Tuzlanskog kantona za 2023. godinu	2265
977. Zakon o izmjenama i dopunama Zakona o izvršenju Budžeta Tuzlanskog kantona za 2023. godinu	2608
978. Zakon o pružanju besplatne pravne pomoći	2610
979. Zakon o izmjenama i dopunama Zakona o policijskim službenicima Tuzlanskog kantona	2616
980. Zakon o izmjenama Zakona o državnoj službi u Tuzlanskom kantonu	2618
981. Zakon o izmjenama Zakona o uslovima i postupku legalizacije bespravno izgrađenih građevina	2618
982. Odluka o davanju podrške kupovini zemljišta i davanju ovlaštenja za zaključivanje kupoprodajnog ugovora i preduzimanju drugih radnji i aktivnosti u cilju izgradnje nove zgrade Općinskog suda u Lukavcu, broj: 01-02-468-4/23 od 30.10.2023. godine	2619
983. Odluka o kreditnom zaduženju Tuzlanskog kantona kod Razvojne banke Federacije Bosne i Hercegovine, broj: 01-02-540-5/23 od 30.10.2023. godine	2619
984. Odluka o izmjenama Odluke o izboru i imenovanju članova u stalna i povremena radna tijela Skupštine Tuzlanskog kantona, broj: 01-02-91-21/23 od 30.10.2023. godine	2620
985. Odluka o izmjenama i dopunama Odluke o proširenom obimu prava iz oblasti zdravstvene zaštite branilaca i članova njihovih porodica, broj: 01-02-466-5/23 od 30.10.2023. godine	2620
986. Odluka o usvajanju Elaborata o opravdanosti pripajanja Javne ustanove Mješovita srednja rudarska škola Tuzla Javnoj ustanovi Mješovita srednja građevinsko-geodetska škola Tuzla, broj: 01-02-467-4/23 od 30.10.2023. godine	2623
987. Deklaracija o dešavanjima u Palestini, broj: 01-02-548-2/23 od 30.10.2023. godine	2623